



# Laerskool Jan van Riebeeck

Kloofstraat 52, Kaapstad 8001

Tel. 021 423 4209

Webtuiste: laerskooljanvanriebeeck.co.za

E-pos: ontvangs@jvrprim.co.za

---

## **GODSDIENSBELEID**

### **1. INLEIDING**

Hierdie dokument sit die godsdiensbeleid by die Laerskool Jan van Riebeeck ("die skool") uiteen.

Die beleid stel ten doel om die menswaardigheid en uniekheid van elke leerder te erken. Die skool is verbind daartoe om die waarde van alle gelowe te respekteer en streef die fundamentele waardes soos vervat in die Grondwet van die Republiek van Suid Afrika, 1996, na.

### **2. WETTE WAT TOEPASSING VIND**

Die skool se Godsdiensbeleid is opgestel in oorelog met verwysing na die volgende Wette:

2.1 Grondwet van die Republiek van Suid Afrika 108 van 1996:

#### **ARTIKEL 15 VRYHEID VAN GODSDIENS, OORTUIGING EN MENING**

15.

- i. Elkeen het die reg op Vryheid van gewete, godsdiens, denke, oortuiging en mening.
- ii. Godsdiensbeoefening kan by staats- of staatsondersteunde instellings geskied, mits –
  - a) daardie beoefening reëls nakom wat deur die tersaaklike openbare gesag gemaak is;
  - b) dit op billike grondslag geskied; en
  - c) bywoning daarvan vry en vrywillig is.

2.2 Suid Afrikaanse Skolewet 84 van 1996:

#### **ARTIKEL 7 VRYHEID VAN GEWETE EN GODSDIENS IN OPENBARE SKOLE**

7. Behoudens die Grondwet en enige toepaslike provinsiale wet kan godsdiensbeoefening by 'n openbare skool gehou word ingevolge reëls wat deur die beheerliggaam uitgevaardig is, indien sodanige beoefening op 'n billike wyse geskied en bywoning daarvan deur leerders en personeellede vry en vrywillig is.

### **3. SKOOL SE BELEID**

Dié waardegedrewe skool stel ten doel om vir leerders, ongeag hulle individuele godsdiestige oortuigings met respek te hanteer. Elke leerder se opinie sal sensitief benader word, spesifiek met die doel dat geen godsdiestige oortuiging uitgesluit sal word nie.

### **4. GODSDIENSONDERRIG EN BEOEFENING TYDENS EN NA SKOOLURE**

4.1 Godsdiensbeoefening by die skool:

- 4.1.1 'n Vorm van waardegedrewe godsdiensbeoefening mag soms deel vorm van die eerste paar minute van die skool se saalperiodes of aan die begin van die dag.
- 4.1.2 Godsdiensbeoefening kan ook buite skoolure plaasvind en sulke godsdiensbeoefening sal ook vrywillig wees.
- 4.1.3 Waar segregasie van leerders en/of onderwysers in terme van godsdiensbehoeftes plaasvind, moet die skool oorweeg om die gevolge van groepsdruk onder die spesifieke leerders en/of onderwysers te mitigeer. Groot sorg moet aan die dag gelê word dat geen onderwyser, leerder of ouer van enige geloofsoortuiging teen gediskrimineer word of met disrespek hanteer word nie.

4.2 Godsdiensonderrig as deel van die kurrikulum:

Die departementele kurrikulum vir Lewensoriëntering sluit die studie van die onderskeidende kenmerke van verskillende godsdiensste in en beoog om waardering vir diversiteit te kweek. Indien daar 'n behoefte is om uit te brei op enige van die aspekte van die kurrikulum, moet dit op so 'n wyse gedoen word dat dit alle godsdiestige oortuigings respekteer.

### **5. ADDISIONELE VERSOEKE EN KLAGTES**

Ouers word aangemoedig om voorstelle te maak aan die skoolhoof en/of die beheerliggaam, welke voorstelle sal, sover dit prakties uitvoerbaar is, bespreek word en terugvoer verleen word oor die bespreking.


Ouers word ook uitgenooi om die skoolhoof en/of die beheerliggaam te raadpleeg indien daar klagtes is rakende die beleid, die implementering daarvan of dat daar nie voorsiening gemaak word vir 'n spesifieke godsdiensoortuiging nie.

Beide klagtes en voorstelle sal oorweeg word in oorleg met besprekings tussen leerders, ouers, onderwysers en die godsdienstige gemeenskappe betrokke.

## **6. JAARLIKSE HERSIENING VAN DIE BELEID**

Die beleid sal jaarliks hersien word en in oorleg met toepaslike en nuwe wetgewing.

Beleid hersien: Februarie 2023

Merwe Scholtz (BR-voorsitter)	
Naas Beets (Skoolhoof)	
Susan van der Walt	
Esri Marais	
Marié Cruywagen	
Andries Viljoen	
Lucia de Jager	
Ischké Felix	
Marinda Brink	
Hannes Muller	

Datum: 20/02/2023

Laerkool Jan van Riebeeck  
Kloofstraat 62  
Kaapstad 8001  
✉ 021 423 4200